

## **RHAGOLWG**

**Gellir dod o hyd i ddogfennau ategol perthnasol dan "Busnes y Cynulliad" "Dogfennau a Osodwyd" sydd, fel arfer, yn cael eu gosod ar y wefan 3 diwrnod gwaith cyn y cyfarfod llawn perthnasol.**

**[Hysbyswyd gan y Trefnydd mewn datganiad i'r cynulliad 30 Tachwedd 2004]**

**Dydd Mawrth 7 Rhagfyr a dydd Mercher 8 Rhagfyr 2004**

***Toriad 13 Rhagfyr 2004 – 9 Ionawr 2005***

**Dydd Mawrth 11 Ionawr 2005 a dydd Mercher 12 Ionawr 2005**

**Dydd Mawrth 18 Ionawr 2005 a dydd Mercher 19 Ionawr 2005**

**Dydd Mawrth 7 Rhagfyr 2004**

- **Cwestiynau i Brif Weinidog Cymru (45 munud)**
- **Datganiad Busnes (10 munud)**
- **Datganiad gan y Gweinidog dros Iechyd a Gwasanaethau Cymdeithasol: HIV a gwasanaethau iechyd rhywiol (30 munud)**
- ***Cynnig i drafod y 2 eitem a ganlyn gyda'i gilydd, ond gan gynnal pleidlais ar wahân (30 munud)***
  - **Cynnig i gymeradwyo Rheoliadau Bwyd Anifeiliaid a Addaswyd yn Enetig (Cymru) 2004**

Mae'r Rheoliadau'n pennu gweithdrefnau a darpariaethau penodol y Gymuned ar gyfer asesu, awdurdodi, goruchwyllo a labelu bwyd anifeiliaid a addaswyd yn enetig (GM). Eu hamcan yw cynnig sylfaen ar gyfer sicrhau lefel uchel o amddiffyniad ar gyfer bywyd ac iechyd pobl, iechyd a lles anifeiliaid, buddiannau'r amgylchedd a defnyddwyr mewn perthynas â bwyd GM tra'n sicrhau bod y farchnad fewnol yn parhau i weithio'n effeithiol

- **Cynnig i gymeradwyo Rheoliadau Bwyd a Addaswyd yn Enetig (Cymru) 2004**

Mae'r Rheoliadau'n pennu gweithdrefnau a darpariaethau penodol y Gymuned ar gyfer asesu, awdurdodi, goruchwyllo a labelu bwyd anifeiliaid a addaswyd yn enetig (GM). Ei amcan yw cynnig sylfaen ar gyfer sicrhau lefel uchel o amddiffyniad ar gyfer bywyd ac iechyd pobl a buddiannau'r amgylchedd a defnyddwyr mewn perthynas â bwyd GM tra'n sicrhau bod y farchnad fewnol yn parhau i weithio'n effeithiol

- **Cynnig i gymeradwyo o dan Reol Sefydlog 24.27 (iv) Rheoliadau Cyfraniadau Ardrethu Annomestig (Cymru) (Diwygio) 2004 (20 munud)**

Mae'n ofynnol i gynghorau dalu cyfraniadau ardrethu annomestig i'r Cynulliad Cenedlaethol mewn perthynas â'r ardrethi y maent yn eu casglu oddi wrth fusnesau yn eu hardal. Telir ardrethi i'r pwll ardrethu annomestig ac oddi yno maent yn cael eu hailddosbarthu i gynghorau ar sail y boblogaeth o oedolion. Gwneir taliadau i gynghorau ar sail amcangyfrifon a gwblheir cyn dechrau'r flwyddyn ariannol. Mae cynghorau'n cyflwyno ffurflenni archwiliedig ar ôl diwedd y flwyddyn ariannol ac ar sail y rhain maent yn cael taliadau neu'n gwneud taliadau ychwanegol i'r pwll fel y bo'n briodol.

Cynhwysir y rheolau ar gyfer cyfrifo'r cyfraniadau hyn yn Rheoliadau Cyfraniadau Ardrethu Annomestig (Cymru) 1992, (OS 1992/3238). Gwneir diwygiadau yn flynyddol i rai elfennau er mwyn sicrhau bod y sylfaen ar gyfer cyfraniadau'r dreth gyngor yn aros yn gywir. Mae'r rheoliadau hyn yn diweddarau'r rheolau y mae rhaid i gynghorau eu cymhwyso wrth gyfrifo eu cyfraniadau at y pwll.

- **Dadl wedi'i henwebu gan y Blaid Geidwadol (45 munud)**
- **Cynnig i gymeradwyo trosglwyddo'r Prif Grp Gwariant (MEG) o fewn y flwyddyn yn unol â Rheol Sefydlog 21 (15 munud)**

Mae Rheol Sefydlog 21 yn ei gwneud yn ofynnol i'r Gweinidog dros Gyllid gyflwyno nifer o gynigion bob blwyddyn ariannol i gael cymeradwyaeth Cynulliad Cenedlaethol Cymru i newid cyllidebau. Y cynnig hwn yw'r cyntaf yn ystod y flwyddyn ariannol gyfredol. Bydd y cynnig yn cwmpasu'r newidiadau sydd wedi digwydd ers i Gynulliad Cenedlaethol Cymru gymeradwyo'r Gyllideb Atodol fis Mawrth diwethaf. Bydd manylion y newidiadau hyn yn cael eu nodi yn y tablau sydd gyda'r cynnig a'r nodiadau ategol.

## Dydd Mercher 8 Rhagfyr 2004

- Cwestiynau i Jane Hutt, y Gweinidog dros Iechyd a Gwasanaethau Cymdeithasol (30 munud)
- Cwestiynau i Alun Pugh, y Gweinidog dros Ddiwylliant, y Gymraeg a Chwaraeon (30 munud)
- Cwestiynau i Bwyllgor y Ty – nid oes unrhyw gwestiynau wedi'u cyflwyno
- Cynnig i gymeradwyo Rheoliadau Cynlluniau y Polisi Amaethyddol Cyffredin (Trawsgydymffurfio) (Cymru) 2004 o dan Reol Sefydlog 24.27(iv) (20 munud)

Bydd y Rheoliadau hyn yn dod i rym ar 1 Ionawr 2005 er mwyn gweithredu'r gyfundrefn drawsgydymffurfio a fydd yn berthnasol i Gymru yn sgîl cyflwyno'r Taliad Sengl yn 2005 o dan ddiwygiadau i Bolisi Amaethyddol Cyffredin yr UE. Mae deddfwriaeth debyg ond ar wahân yn cael ei chyflwyno yn Lloegr, Yr Alban a Gogledd Iwerddon.

- ***Cynnig i drafod y 3 eitem a ganlyn gyda'i gilydd, ond gan gynnal pleidlais ar wahân (30 munud)***
- **Cynnig i gymeradwyo Rheoliadau Gwrychoedd neu Berthi Uchel (Apelau) (Cymru) 2004**

Effaith fwriedig y rheoliadau hyn yw nodi'r broses sydd i'w dilyn mewn apêl a wneir i Gynulliad Cenedlaethol Cymru yn erbyn penderfyniad yr awdurdod lleol naill ai i gynnal neu i wrthod cwyn am wrychoedd neu berthi uchel sy'n cael effaith andwyol ar fwynhad cymydog o'i eiddo.

- **Cynnig i gymeradwyo Rheoliadau Gwrychoedd neu Berthi Uchel (Ffioedd) (Cymru) 2004**

Diben y Rheoliadau hyn yw dod â Rhan 8 o Ddeddf Ymddygiad Gwrthgymdeithasol 2003 i rym sy'n rhoi pwerau i'r awdurdodau lleol ddelio â chwynion am wrychoedd neu berthi uchel sy'n achosi niwsans. Mae'n pennu lefel uchaf y ffi y caiff awdurdod lleol ei chodi am ymdrin â chwyn.

- **Gorchymyn Deddf Ymddygiad Gwrthgymdeithasol 2003 (Cychwyn Rhif 3) (Cymru) 2004**

Effaith fwriedig y Gorchymyn hwn yw dod â Rhan 8 o Ddeddf Ymddygiad Gwrthgymdeithasol 2003 i rym sy'n rhoi pwerau i'r awdurdodau lleol ddelio â chwynion am wrychoedd neu berthi uchel sy'n achosi niwsans.

- **Cynnig i gymeradwyo Rheoliadau Atal Dros Dro Ddarparwyr Gofal Dydd a Gwarchodwyr Plant (Cymru) 2004 (15 munud)**

Bydd y Rheoliadau hyn yn sefydlu gweithdrefnau ar gyfer gwahardd darparwyr gofal dydd o dan amgylchiadau penodedig, yn arbennig lle y gallai fod niwed i blant sy'n derbyn gofal neu a allai dderbyn gofal. Mae'r Rheoliadau hefyd yn cynnig y caiff person hawl i apelio i Dribiwnlys Amddiffyn Plant ac Oedolion sy'n Agored i Niwed a Safonau Gofal (Tribiwnlys Safonau Gofal) yn erbyn penderfyniad i atal cofrestriad y person hwnnw, neu yn erbyn gwrthodiad i godi'r ataliad hwnnw. Credir bod angen y cynigion ynghylch atal cofrestru er mwyn helpu i amddiffyn plant.

- **Cynnig i fabwysiadu'r Cod Ymarfer Diwygiedig ar Ganiatáu i'r Cyhoedd Weld Gwybodaeth (3ydd Argraffiad.) (60 munud)**

Diben y ddadl yw ystyried cynnig i'r Cynulliad Cenedlaethol fabwysiadu, o dan Reol Sefydlog 19.2, y trydydd argraffiad o'r Cod Ymarfer ar Ganiatáu i'r Cyhoedd Weld Gwybodaeth. Er bod Llywodraeth Cynulliad Cymru wedi ymrwymo i gadw'r wyth egwyddor a nodir yn yr ail argraffiad o'r Cod, mae angen gwneud newidiadau manwl i'r Cod er mwyn sicrhau y cydymffurfir â darpariaethau terfynol Deddf Rhyddid Gwybodaeth 2000 a ddaw i rym ar 1 Ionawr 2005. Hefyd, bydd y Cod diwygiedig yn gymwys i Reoliadau Gwybodaeth Amgylcheddol y bydd Llywodraeth y DU yn dod â hwy i rym ar 1 Ionawr 2005 ac sy'n darparu hawliau mynediad llawer ehangach i wybodaeth amgylcheddol.

- **Dadl fer (30 munud)**

## **Dydd Mawrth 11 Ionawr 2005**

- **Cwestiynau i Brif Weinidog Cymru (45 munud)**
- **Datganiad Busnes (10 munud)**
- **Cynnig i gymeradwyo o dan Reol Sefydlog 24.25 (1 munud)**
- **Rheoliadau Addysg (Gwybodaeth am Ddisgyblion Unigol) (Cymru) (Diwygio) 2005**

Bydd y Rheoliadau hyn yn rhoi gofynion ychwanegol ar ysgolion sydd â disgyblion ôl-16 i ddarparu gwybodaeth ychwanegol fel rhan o'u ffurflenni Cyfrifiad Ysgolion Blynyddol ar Lefel Disgyblion (PLASC). Bydd y diwygiadau hyn yn ei gwneud yn ofynnol i bob ffurflen PLASC gael eu darparu ar ffurf electronig.

- **Cynnig i ddirprwyo swyddogaethau Deddf Argyfyngau Sifil 2004 (30 munud)**
- **Dadl wedi'i henwebu gan Blaid Cymru (45 munud)**
- **Debate on the Assembly's arrangements for co-operation with Business under Standing Order 6.6 (60 munud)**

## **Dydd Mercher 12 Ionawr 2005**

- **Cwestiynau Llywodraeth Leol i Sue Essex, y Gweinidog dros Gyllid, Llywodraeth Leol a Gwasanaethau Cyhoeddus (30 munud)**
- **Cwestiynau i Jane Davidson, y Gweinidog dros Addysg a Dysgu Gydol Oes (30 munud)**
- **Dadl ar Gynllun Gweithredu Sgiliau a Chyflogaeth 2 (60 munud)**

Dadl fydd hon ar fersiwn diwygiedig y Cynllun Gweithredu Sgiliau a Chyflogaeth sy'n darparu gwell strwythur i bolisiâu Llywodraeth Cynulliad Cymru ar gyfer datblygu sgiliau ac sy'n mynd i'r afael â'r ymrwymiad i fodloni'r gofyn am sgiliau sy'n angenrheidiol yn y gweithle modern, a chynorthwyo rhagor o bobl i gael gwaith cynaliadwy.

- **Dadl ar Setliad Llywodraeth Leol (60 munud)**

Diben y ddadl, yn unol â Rheol Sefydlog 21.12, yw bod y Gweinidog dros Lywodraeth Leol yn cyflwyno Adroddiad Cyllid Llywodraeth Leol i Gyngorau ar gyfer blwyddyn ariannol 2005-06, gerbron y Cynulliad, i'w gymeradwyo trwy benderfyniad.

- **Dadl fer (30 munud)**

## **Dydd Mawrth 18 Ionawr 2005**

- **Cwestiynau i Brif Weinidog Cymru (45 munud)**
- **Datganiad Busnes (10 munud)**
- **DATGANIAD: Gweithredu Proses Diwygio'r PAC (30 munud)**

The Minister for Environment, Planning and Countryside announced on 11<sup>th</sup> February 2004 that in Wales the CAP reform package would be introduced in 2005 using the historic model for the new Single Farm Payment regime. From next year, payments to farmers will no longer be linked to what they produce. In order to receive the Single Farm Payment, farmers will be required to meet environmental, public, animal and plant health and animal welfare standards and to keep land in good agricultural and environmental. The first Single Farm Payments will be made during the European Commission payment window that runs from December 2005 to June 2006. This Statement will update the National Assembly on progress made in implementing the CAP reform process in Wales.

- **Cynnig i gymeradwyo o dan Reol Sefydlog 24.25 (1 munud)**
- **Gorchymyn Cyngor Addysgu Cyffredinol Cymru (Swyddogaethau Ychwanegol) (Diwygio) 2005**

Bydd y Gorchymyn yn diwygio Gorchymyn Cyngor Addysgu Cyffredinol Cymru (Swyddogaethau Ychwanegol) 2000 sy'n ei gwneud yn ofynnol i Gyngor Addysgu Cyffredinol Cymru (CACC) gynnal cofnodion mewn perthynas â chategoriâu penodol o bobl ac eithrio athrawon cofrestredig, e.e. pobl sydd wedi'u gwahardd neu wedi'u hatal rhag dysgu ar hyn o bryd. Adlewyrcha'r diwygiadau a wneir gan y Gorchymyn hwn y rhai yn Rheoliadau Cyngor Addysgu Cyffredinol Cymru (Swyddogaethau) (Diwygio) 2005, sy'n ei gwneud yn ofynnol i'r Cyngor nodi'r dyddiad pan gafodd person ei gyflogi yn gyntaf fel athro cyflenwi/ athrawes gyflenwi o dan Reoliadau Addysg (Trefniadau Ymsefydlu ar gyfer Athrawon Ysgol) (Cymru) 2003. Mae'r Gorchymyn hefyd yn gwneud rhai mân ddiwygiadau eraill i Orchymyn 2000 fel bod manylion cymwysterau academaidd a phroffesiynol person a gedwir gan CACC yn gyfyngedig i'r rhai sy'n berthnasol i'w (g)yrfa fel athro/athrawes ac er mwyn diweddarau cyfeiriadau at Ddeddf Addysg 2002.

- **Cynnig i gymeradwyo Rheoliadau Cyngor Addysgu Cyffredinol Cymru (Swyddogaethau) (Diwygio) 2005 (15 munud)**

Bydd y rheoliadau hyn yn diwygio Rheoliadau Cyngor Addysgu Cyffredinol Cymru (Swyddogaethau) 2000 fel ei bod yn ofynnol i Gyngor Addysgu Cyffredinol Cymru (CACC) nodi ar ei gofrestr y dyddiad pan gafodd person ei gyflogi/ei chyflogi yn gyntaf fel athro cyflenwi/athrawes gyflenwi o dan Rheoliadau Addysg (Trefniadau Ymsefydlu ar gyfer Athrawon Ysgol) (Cymru) 2003. Mae'r Rheoliadau hefyd yn dileu'r gofyn i CACC gofnodi ar ei gofrestr y dyddiad pan ddechreuodd a phan gwblhaodd athro/athrawes gwrs ymarfer dysgu.

- **Cynnig i gymeradwyo Rheoliadau Cynhyrchion sy'n Tarddu o Anifeiliaid (Mewnforion Trydydd Gwledydd) (Cymru) 2005 (15 munud)**

Mae'r Rheoliadau hyn yn diddymu ac yn ailwneud, gyda newidiadau, Rheoliadau Cynhyrchion sy'n Tarddu o Anifeiliaid (Mewnforion Trydydd Gwledydd) (Cymru) 2004 am resymau eglurder ac er mwyn cyflwyno diwygiadau at ddiben gweithredu newidiadau diweddar i ofynion mewnforio yr UE.

- **Slot reserved for subordinate legislation (45 mins)**
- **Dadl wedi'i henwebu gan y Blaid Geidwadol (45 munud)**

## **Dydd Mercher 19 Ionawr 2005**

- **Cwestiynau i Edwina Hart, y Gweinidog dros Gyfiawnder Cymdeithasol ac Adfywio (30 munud)**
- **Cwestiynau i Andrew Davies, y Gweinidog dros Ddatblygu Economaidd a Thrafnidiaeth (30 munud)**
- **Dadl ar y Papur Gwyn ar Ddiwygio Gwasanaethau Cyhoeddus (60 munud)**
- **Dadl ar Adroddiad Y Prif Swyddog Meddygol ar Iechyd y Genedl (45 munud)**
- **Dadl fer (30 munud)**